

**UCHAMBUZI
WA
KITABU
CHA
“WARAKA KWA
WAEBRANIA”**

**Na Ap Shemeji
Melayeki**

**Siku ya 2
SURA YA PILI**

Leo tunaendelea na

WAEBRANIA 2:.....

1 Kwa hiyo imetupasa kuyaangalia zaidi hayo yaliyosikiwa tusije tukayakosa.

2 Kwa maana, ikiwa lile neno lililonenwa na malaika lilikuwa imara, na kila kosa na uasi ulipata ujira wa haki,

3 sisi je! Tutapataje kupona, tusipojali wokovu mkuu namna hii? Ambao kwanza ulinenwa na Bwana, kisha ukathibitika kwetu na wale waliosikia;

MWANDISHI ANAWEKA ALERT, KAMA UJUMBE WA MALAIKA NI TATIZO KUUPUUZIA (KAMA WATU HAWA WANAVYOONEKANA KUWA HAKUNA SHIDA KUAMINI HILO) NI VIZURI WAKAANGALIA WASIJE KUDHARAU UJUMBE WA YESU KRISTO AMBAYE NI ZAIDI YA MALAIKA.

****JE, HUO UJUMBE HUO WA MALAIKA NI UPI?***

Kwa sababu MWANDISHI amesema Maneno hayo kule mbele... Bila shaka ni sheria ya Musa... the law of Mosses...

Angalia..

Waebrania 10:28-29

[28]Mtu aliyeidharau sheria ya Musa hufa pasipo huruma, kwa neno la mashahidi wawili au watatu.

[29]Mwaonaje? Haikumpasa adhabu iliyo kubwa zaidi mtu yule aliyemkanyaga Mwana wa Mungu, na kuihesabu damu ya agano aliyotakaswa kwayo kuwa ni kitu ovyo, na kumfanyia jeuri Roho wa neema?

Kwa hiyo anasema KUIDHARAU SHERIA YA MUSA ambayo ilitolewa kwa mkono wa malaika ni jambo la hatari.. na tunajua KRISTO ni zaidi ya malaika

zi MBAYA ZAIDI kuidharau UJUMBE WA YESU KRISTO?

THERE IS NO ESCAPE FROM IF WE IGNORE CHRIST...

Kuonyesha msisitizo □

Kabla Stefano hajapigwa Mawe kwenye Mahubiri yake kwenye Matendo 7...

Alionyeshwa uhusiano wa sheria kama UJUMBE WA MALAIKA...

Matendo ya Mitume 7:30,35,37-38,52-53

[30]Hata miaka arobaini ilipotimia, malaika wa Bwana akamtokea katika jangwa la mlima wa Sinai katika mwali wa moto, kijitini.

[35]Musa huyo waliyemkataa, wakisema, Ni nani aliyekuweka kuwa mkuu na mwamuzi? Ndiye aliyetumwa na Mungu kuwa mkuu na mkombozi, kwa mkono wa yule malaika aliyemtokea katika kile kijiti.

[37]Musa huyo ndiye aliyewaambia Waisraeli, Bwana Mungu wenu atawainulieni nabii, katika ndugu zenu, kama mimi; msikieni yeye.

[38]Yeye ndiye aliyekuwa katika kanisa jangwani pamoja na yule malaika aliyesema naye katika mlima wa Sinai, tena pamoja na baba zetu; ndiye aliyepokea maneno ya uzima atupe sisi.

[52]Ni yupi katika manabii ambaye baba zenu hawakumwudhi? Nao waliwaua wale waliotabiri habari za kuja kwake yule Mwenye Haki; ambaye ninyi sasa mmekuwa wasaliti wake, mkamwua;

[53]ninyi mliopokea torati kwa agizo la malaika msiishike.

HAYA YOTE STEFANO AMEYANUKUU KWENYE KITABU CHA KUTOKA..

HUU UJUMBE WA YESU KRISTO MUNGU ALIUPIGIA MUHURI (ENDORSE)
KWA NAMNA YAKE..

4 Mungu naye akishuhudu pamoja nao kwa ishara na ajabu na nguvu za namna nyingi, na kwa magawanyo ya Roho Mtakatifu, kama alivyopenda mwenyewe.

MWANDISHI ANAONYESHA KUWA MUNGU ALIUPIGIA MUHURI UJUMBE WA MWANA KWA ISHARA NA AJABU ZA NAMNA NYINGI SIYO KWA MANENO TU. ISHARA INAYOZUNGUMZIWA HAPA NI KUFA KWA YESU KRISTO NA KUFUATULIWA NA UJAZO WA ROHO MTAKATIFU NA USHAHIDI WA UTENDAJI WA KARAMA ZAKE. PETRO AMELIHUBIRI HILI WAZI KABISA SIKU YA KUSHUKA KWA ROHO MTAKATIFU...

Matendo ya Mitume 2:29-36 Waume, ndugu zangu, mniwie radhi, niseme kwa ujasiri mbele yenu habari za baba yetu mkuu, Daudi, ya kuwa alifariki akazikwa, na kaburi lake liko kwetu hata leo. Basi kwa kuwa ni nabii, akijua ya kuwa Mungu amemwapa kwa kiapo, ya kwamba katika uzao wa viuno vyake atamketisha mmoja katika kiti chake cha enzi; yeye mwenyewe akitangulia kuyaona haya, alitaja habari za kufufuka kwake Kristo, ya kwamba roho yake haikuachwa kuzimu, wala mwili wake haukuona uharibifu. **Yesu huyo Mungu alimfufua, na sisi sote tu mashahidi wake. Basi yeye, akiisha kupandishwa hata mkono wa kuume wa Mungu, na kupokea kwa Baba ile ahadi ya Roho Mtakatifu, amekimwaga kitu hiki mnachokiona sasa na kukisikia.* Maana Daudi hakupanda mbinguni; bali yeye mwenyewe anasema, Bwana alimwambia Bwana wangu, Keti upande wa mkono wangu wa kuume. Hata nitakapowaweka adui zako chini ya miguu yako. Basi nyumba yote ya Israeli na wajue yakini ya kwamba Mungu amemfanya Yesu huyo mliyemsulibisha kuwa Bwana na Kristo.

5 Maana hakuuweka chini ya malaika ulimwengu ule ujao tunaounena, ila mtu mmoja ameshuhudia hivi mahali fulani, akisema,

ANAENDELEA KUKAZIA NAFASI YA YESU KUONYESHA KUWA ANA UMILIKI WA MJI KAMA MSIMAMIZI... HUU MJI NI UPI? UMEELEZWA HAPA CHINI...

6 Mwanadamu ni nini hata umkumbuke, Ama mwana wa binadamu, hata umwangelie?

7 Umemfanya mdogo punde kuliko malaika, Umemvika taji ya utukufu na

heshima, Umemtawaza juu ya kazi za mikono yako;

****8** Umeweka vitu vyote chini ya nyayo zake. Kwa maana katika kuweka vitu vyote chini yake hakusaza kitu kisichowekwa chini yake. Lakini sasa bado hatujaona vitu vyote kutiwa chini yake.*

ULIMWENGU UNAUZUNGUMZIWA NI KUWEKWA CHINI YA USIMAMIZI WA KAZI YOTE YA MUNGU YAANI KAZI YA KUOKOA MWANADAMU...
MSTARI WA 8 UNAELEZA...

HAPA TUNAONA MWANDISHI ANANUKUU TENA HABARI KATIKA ZABURI...

Zaburi 8:4-6 Mtu ni kitu gani hata umkumbuke, Na binadamu hata umwangelie? Umemfanya mdogo punde kuliko Mungu; Umemvika taji ya utukufu na heshima; Umemtawaza juu ya kazi za mikono yako; Umevitia vitu vyote chini ya miguu yake.

MJI UNAOZUNGUMZIWA HAPO JUU NI KUTAWAZWA AU KUWEKWA KAMA MWAMUZI NA MSIMAMIZI MKUU WA KAZI ZOTE ZA MUNGU AU KWA LUGHA RAHISI *UBWANA* KAMA MUNGU. (Ndiyo maana tunasema JESUS IS LORD). UBWANA HUO NI KATIKA KUOKOA MWANADAMU...

9 ila twamwona yeye aliyefanywa mdogo punde kuliko malaika, ****_yaani, Yesu,_*** kwa sababu ya maumivu ya mauti, amevikwa taji ya utukufu na heshima, ili kwa neema ya Mungu aionje mauti kwa ajili ya kila mtu. MWANDISHI ANAONYESHA KUWA YESU (AMBAYE HAPO JUU AMETAJWA KAMA MWANADAMU) ALIFANYWA KUWA MPAKA CHINI YA MALAIKA KINAFASI... BAADA YA KUFA NA KUFUFUKA KWAKE ALIPEWA NAFASI YA JUU YA HESHIMA... NAFASI AMBAYO HAKUNA MALAIKA ALIYEWahi KUPATA. (kumbuka nyuma tulikotoka)....

KWA HIYO ALIPOFANYA PUNDE MDOGO KULIKO MALAIKA HATUKUONA KAMA ALIKUWA KWENYE USIMAMIZI WA KAZI ZOTE ZA MUNGU LAKINI ALIPOFUFUKA NI UHAKIKISHA YA KUWA YEYE PEKE YAKE AMESTAHILI KUMWOKOA MWANADAMU

Paulo anaelezea hili kwa undani...

Matendo ya Mitume 13:26-39

[26]Ndugu zangu, wana wa ukoo wa Ibrahimu, na hao miongoni mwenu wanaomcha Mungu, kwetu sisi neno la wokovu huu limepelekwa.

[27]Kwa maana wakaa Yerusalemu, na wakuu wao, kwa kuwa hawakumjua yeye, wala maneno ya manabii yanayosomwa kila sabato, wameyatimiza kwa kumhukumu.

[28]Na ijapokuwa hawakuona sababu ya kumfisha wakamwomba Pilato auawe.

[29]Hata walipokwisha kumaliza yote aliyoandikiwa, wakamtelemsha katika ule mti, wakamweka kaburini.

[30]Lakini Mungu akamfufua katika wafu;

[31]akaonekana siku nyingi na wale waliopanda naye kutoka Galilaya hata Yerusalemu, ambao sasa ndio walio mashahidi wake mbele ya watu.

[32]Na sisi tunawahubiri habari njema ya ahadi ile waliyopewa mababa,

[33]ya kwamba Mungu amewatimizia watoto wetu ahadi hiyo, kwa kumfufua Yesu; kama ilivyoandikwa katika Zaburi ya pili,

Wewe ndiwe Mwanangu, mimi leo nimekuzaa.

[34]Tena ya kuwa alimfufua katika wafu, asipate kurudia uharibifu, amenena hivi,

Nitawapa ninyi mambo matakatifu ya Daudi yaliyo amini.

[35]Kwa hiyo anena na pengine,

Hutamwachia Mtakatifu wako kuona uharibifu.

[36]Kwa maana Daudi, akiisha kulitumikia shauri la Mungu katika kizazi chake, alilala, akawekwa pamoja na baba zake, akaona uharibifu.

[37]Bali huyu aliyefufuliwa na Mungu hakuona uharibifu.

[38]Basi, na ijulikane kwenu, ndugu zangu, ya kuwa kwa huyo mnahubiriwa msamaha wa dhambi;

[39]na kwa yeye kila amwaminiye huhesabiwa haki katika mambo yale yote

asiyoweza kuhesabiwa haki kwa torati ya Musa.

10 Kwa kuwa ilimpasa yeye, ambaye kwa ajili yake na kwa njia yake vitu vyote vimekuwapo, akileta wana wengi waufikilie utukufu, kumkamilisha kiongozi mkuu wa wokovu wao kwa njia ya mateso.

SIGNIFICANCE KUBWA YA MATESO YA YESU HAIKUWA TU KWA AJILI YA NAFASI HIYO LAKINI NI KWA AJILI YA KUWAFANYA WANAOMWAMINI WAKAMILISHWE KATIKA YEYE KAMA ****WANA WA MUNGU.*** NDIYO MAANA ROHO MTAKATIFU ALIYEWAJAZA WATU TANGU SIKU ILE, LENGO LAKE NI KUWAFANYA WATU WAVE WANA KWA MFANO WA KRISTO... **UTUKUFU WA KRISTO NI UTUKUFU WA WANA WA MUNGU... Kristo kuwa ndani yao kwa Roho WAKE...**

ANGALIA...

11 Maana yeye atakasaye na hao wanaotakaswa wote pia watoka kwa mmoja. Kwa ajili hii haoni haya kuwaita ndugu zake;

12 akisema, Nitalihubiri jina lako kwa ndugu zangu; Katikati ya kanisa nitakuambia sifa.

****(Zaburi 22:22 Nitalihubiri jina lako kwa ndugu zangu, Katikati ya kusanyiko nitakusifu.)***

13 Na tena, Nitakuwa nime mtumaini yeye. Na tena, Tazama, mimi nipo hapa na watoto niliopewa na Mungu.

MANENO HAYA YANAFANANA NA MANENO YA NABII ****Isaya 8:18 Angalieni, mimi na watoto hawa niliopewa na Bwana tu ishara na ajabu katika Israeli, zitokazo kwa Bwana wa majeshi, yeye akaaye katika mlima Sayuni.***

14 Basi, kwa kuwa watoto wameshiriki damu na mwili, yeye naye vivyo hivyo alishiriki yayo hayo, ili kwa njia ya mauti amharibu yeye aliyekuwa na nguvu za mauti, yaani, Ibilisi,

15 awaache huru wale ambao kwamba maisha yao yote kwa hofu ya mauti walikuwa katika hali ya utumwa

MWANDISHI ANAWEKA MSISITIZO JUU YA KAZI YA MSALABA... KUSHIRIKI DAMU NA MWILI NI KUSHIRIKI MATEZO. YAANI KAMA YESU ALISHINDA KIFO NA MAUTI NDANI YAKE TULISHINDA VILE VILE. SASA ILI YESU ASTAHILI KUSHINDA ALITAKIWA AWE KAMA SISI ILI ASHINDE NAFASI YETU.

ANGALIA...

16 Maana ni hakika, hatwai asili ya malaika, ila atwaa asili ya mzao wa Ibrahimu.

17 Hivyo ilimpasa kufananishwa na ndugu zake katika mambo yote, apate kuwa kuhani mkuu mwenye rehema, mwaminifu katika mambo ya Mungu, ili afanye suluhu kwa dhambi za watu wake.

HII NI SAWA KABISA NA **2 Wakorintho 5:17-21 Hata imekuwa, mtu akiwa ndani ya Kristo amekuwa kiumbe kipya; ya kale yamepita tazama! Yamekuwa mapya. Lakini vyote pia vyatokana na Mungu, aliyetupatanisha sisi na nafsi yake kwa Kristo, naye alitupa huduma ya upatanisho; yaani, Mungu alikuwa ndani ya Kristo, akiupatanisha ulimwengu na nafsi yake, asiwahesabie makosa yao; naye ametia ndani yetu neno la upatanisho. Basi tu wajumbe kwa ajili ya Kristo, kana kwamba Mungu anasihii kwa vinywa vyetu; twawaomba ninyi kwa ajili ya Kristo mpatanishwe na Mungu. Yeye asiyejua dhambi alimfanya kuwa dhambi kwa ajili yetu, ili sisi tupate kuwa haki ya Mungu katika Yeye.*

18 Na kwa kuwa mwenyewe aliteswa alipojaribiwa, aweza kuwasaidia wao wanaojaribiwa.

HUU NI UJASIRI WA INJILI YA KWAMBA MTU ALIYETESWA (Yesu) HAKUWA NA SPECIAL BODY MORPHOLOGY, FEELINGS AND MIND. ALIKUWA KAMA SISI ILI ADHIHIRISHE UHALISIA WA KUISHI MAISHA YA USHINDI NDANI YAKE. MUNGU ANAWEZA KUISHI NDANI YETU, KUTEMBEA NA KUTENDA NDANI YETU KWENYE MIILI HII HII YA NYAMA KWENYE WATU HAWA WENYE MADHAIFU HAYA HAYA HAPA HAPA DUNIANI...(Yaani mwili kama wangu na wako) NA BADO WAKAISHI KATIKA USHINDI KAMA WANA WA MUNGU...

Qualification kubwa ya kwamba Yesu ametimiza vigezo vya kutuokoa ni kwa sababu alikuwa kama sisi..